



মার্কিন বাতা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২২ ডিসেম্বর ২০০৪

মহাকাশে বসতির নকশা বানানোর প্রতিযোগিতায় জয়ী ভারতীয় ছাত্ররা

নয়াদিলি— এশিয় দেশগুলির জন্য এই প্রথম আয়োজিত মহাকাশে বসতি গড়ার নকশা তৈরির প্রতিযোগিতায় জয়ী হয়েছে পাতিয়ালার বুধা দল পাবলিক স্কুল ও লখনউয়ের মডার্ন স্কুলের ছাত্রছাত্রীদের নিয়ে গঠিত দল ‘ডগল ডাইন অ্যাস্ট্রো সিস্টেম অ্যান্ড ফ্লেকটেল কনস্ট্রাকচারস’। গত ২১-২২ ডিসেম্বর নয়াদিলির আমেরিকান সেন্টারে আয়োজিত এই প্রতিযোগিতার আয়োজন করেছিল অ্যারোনটিকাল সোসাইটি অব ইণ্ডিয়ার চিকিৎসা শাখা এবং বোয়িং কোম্পানি। দ্বাদশ আন্তর্জাতিক মহাকাশে বসতি স্থাপনের নকশা তৈরি প্রতিযোগিতায় যোগ দিতে বিজয়ী দলটি আগামী বছরের জুলাইয়ে আমেরিকার ফ্লোরিডা শহরে পাঠি দেবে। বিগত ১২ বছর ধরে সেখানকার কেনেডি স্পেস সেন্টারে ওই প্রতিযোগিতা আয়োজন করে চলেছে আমেরিকান ইনসিটিউট অব অ্যারোনটিকস অ্যান্ড অ্যাস্ট্রোনটিকস। মার্কিন মহাকাশ গবেষণা সংস্থা (নাসা) ও বোয়িং কোম্পানি যৌথ ভাবে এই প্রতিযোগিতা স্পনসর করছে।

গত ২১ ডিসেম্বর এশিয়া অঞ্চলের জন্য আয়োজিত প্রতিযোগিতার সেমি ফাইনালের উদ্ঘোষণ করেন মার্কিন দূতাবাসের ডেপুটি চিফ অব মিশন রবার্ট ও বেক। তিনি বলেন, “মার্কিন সরকার ভারতের সঙ্গে পারস্পরিক সহযোগিতা বৃদ্ধির জন্য কঠোর চেষ্টা করে চলেছে। আরও আনন্দের কথা, যে শুধু সরকারি পর্যায়েই নয়, দুই দেশের পারস্পরিক সহযোগিতার পর্ব ছাত্রছাত্রী ও মেধাবীদের মধ্যেও কার্যকর রয়েছে।”

বোয়িং ইণ্ডিয়ার ম্যানেজিং ডিরেক্টর অনিল শ্রীখন্ডে প্রতিযোগীদের উদ্দেশ্যে বলেন, “সৃজনশীলতা, কারিগরি দক্ষতা, পরিচালন কুশলতা, পরিবেশগত জ্ঞান প্রভৃতি ক্ষেত্রে বাস্তব অভিজ্ঞতা অর্জনের এক অকল্পনীয় সুযোগ নিয়ে এসেছে এই প্রতিযোগিতা। শুধু তাই নয়, এতে অংশগ্রহণের মাধ্যমে ছাত্রছাত্রীরা দলগত ভাবে কাজ করার জরুরী অনুশীলন ও উপস্থাপন করার দক্ষতাও রঞ্চ করতে পারবে। ফলে তারা নিজেদের ছাড়িয়ে গিয়ে ভবিষ্যতে আরও অনেক বড় হয়ে উঠতে পারবে যা তারা আগে কখনও ভাবতেও পারে নি।”
